

Tsab Ntawv Txib Kev Cais Tawm rau Cov Ntaub Ntawv Teev Tseg Uas Ua Tsis Tiav los sis Tsis Zoo Txaus (Daim Foos Tsos Dawb)

Daim foos no yog foos dab tsi?

Daim foos no yog ib tsab ntawv ceeb toom qhia paub raws kev cai lij choj. Raws li qhov ntaub ntawv teev tseg txog kev txhaj tshuaj nyob rau ntawm koj tus me nyuam lub tsev kawm ntawv los sis lub chaw (tsev) zov me nyuam yaus, zoo li koj tus me nyuam tsis tau txhaj ib qho twg ntawm cov tshuaj txhaj ntawd los sis muaj qee yam uas yuav tsum tau kho qhov ntaub ntawv teev tseg ntawd rau. Yuav tsum tau muab qhov ntaub ntawv teev tseg ntawd hloov kho dua tshiab nyob rau Hnub Ua Kev Cais Tawm ntawd los sis tsis li ntawd ces yuav tsis tso cai rau koj tus me nyuam mus rau tom tsev kawm ntawv los sis lub chaw (tsev) zov me nyuam yaus kom txog ntua rau thaum muab cov ntaub ntawv teev tseg ntawd hloov kho dua tshiab tag lawm tso.

Yuav ua li cas yog hais tias koj tus me nyuam twb txhaj cov koob tshuaj txhaj tiv thaiv kab mob uas tau hais tseg nyob rau hauv tsab ntawv ntawd tag lawm?

Nqa qhov ntaub ntawv teev tseg ntawd mus rau tom koj tus me nyuam lub tsev kawm ntawv los sis lub chaw (tsev) zov me nyuam yaus, thiab hloov pauv tshiab lub tsev kawm ntawv daim ntawv theej txog ntawm qhov ntaub ntawv teev tseg nod rau. Yog hais tias koj tsis muaj ib daim ntawv theej txog ntawm qhov kev hu xov tooj no ces hu rau tus kws kho mob lub chaw ua hauj lwm los sis ALERT IIS, qhov chaw tso npe txog kev txhaj tshuaj tiv thaiv kab mob xeev Oregon, ntawm 1-800-980-9431 kom muab ib daim ntawv theej rau koj.

Yuav ua li cas yog hais tias koj tus me nyuam tseem tsis tau txhaj cov koob tshuaj txhaj tiv thaiv kab mob uas tau hais tseg nyob rau hauv tsab ntawv ntawd?

Teem ib lub sij hawm mus ntsib kws kho mob txhawm rau txhaj cov koob tshuaj txhaj tiv thaiv kab mob ntawd kom sai li sai tau. Qhia rau lub chaw ua hauj lwm paub txog tias koj tus me nyuam yuav raug lub tsev kawm ntawv los sis lub chaw (tsev) zov me nyuam yaus muab xa los mus tsev vim tsis muaj cov koob tshuaj txhaj tiv thaiv kab mob. Yog hais tias koj tsis muaj ib tus kws kho mob, ces hu rau 211, lawv muaj peev xwm pab tau koj kom koj tau txais cov koob tshuaj txhaj tiv thaiv kab mob ntawd. Thaum twg koj txhaj koob tshuaj txhaj tiv thaiv kab mob ntawd tag lawm, nco ntsoov muab luam ib daim ntawv theej mus rau lub tsev kawm ntawv los sis lub chaw (tsev) zov me nyuam yaus, es kom thiaj li muaj peev xwm hloov kho dua tshiab koj tus me nyuam qhov ntaub ntawv teev tseg tau.

Yuav ua li cas yog hais tias tsab ntawv ntawd phiaj yeeg rau pom txog hais tias tseem tsis tau muaj qee yam los sis tseem ua tsis tau tiav?

Hloov pauv tshiab yam uas tseem tsis tau muaj los sis qhov uas ua tsis tiav ntawd rau ua ntej Hnub Ua Kev Cais Tawm es kom koj tus me nyuam thiaj li muaj peev xwm nyob tau rau tom tsev kawm ntawv.

Yuav ua li cas yog hais tias muaj ib tus kws kho mob hais rau koj tias koj tus me nyuam tsis tsim nyog tau txais cov koob tshuaj txhaj tiv thaiv kab mob?

Xeev Oregon tso cai pub muaj ib qho kev zam ntsig txog fab kev kho mob. Ib tus kws kho mob los sis lub thawj fab saib xyuas hauj lwm kev noj qab haus huv hauv zej zos yuav tsum tau kos npe rau. Yog koj xav hais tias koj tus me nyuam tsim nyog yuav tsum tau txais ib qho kev zam ntsig txog fab kev kho mob, ces sib tham nrog koj tus me nyuam tus kws muab kev saib xyuas kho mob.

Yuav ua li cas yog hais tias koj xaiv tsis txhaj cov koob tshuaj txhaj tiv thaiv kab mob ntawd?

Xeev Oregon tso cai pub muaj ib qho kev zam uas tsis yog fab kev kho mob. Rau lus qhia paub txog txoj hau kev kom tau txais ib qho kev zam uas tsis yog fab kev kho mob, mus rau ntawm www.healthoregon.org/vaccineexemption.

Yog koj muaj lus nug yuav ua licas?

Hu rau lub thawj fab saib xyuas hauj lwm kev noj qab haus huv hauv zej zos uas muaj npe teev tseg nyob rau ntawm tsab ntawv ceeb toom qhia paub raws kev cai lij choj. Lawv muaj peev xwm teb cov lus nug ntawd rau koj.